

Trosolwg

Mae'r safon hon yn ymwneud â defnyddio amsugnetreg pelydr-x ynni deuol (DXA) i gynhyrchu sganiau a ddefnyddir ar gyfer mesuriadau màs esgyrn a chyfansoddiad y corff ac i ddadansoddi delweddau er mwyn rhoi diagnosis osteoporosis a sarcopenia. Dylid cynhyrchu sganiau DXA o fewn cwmpas eich rôl a'ch ymarfer eich hun. Y bobl allweddol yw'r rheiny sydd ynghlwm â gofal yr unigolyn a phobl eraill sydd ynghlwm â darparu gwasanaethau. Bydd angen i ddefnyddwyr y safon hon sicrhau bod eu hymarfer yn adlewyrchu'r wybodaeth a'r polisiau diweddaraf.

Meini prawf perfformiad

Rhaid i chi allu:

1. defnyddio rhagofalon sylfaenol ar gyfer rheoli heintiau a mesurau iechyd a diogelwch priodol eraill
2. sicrhau bod yr unigolyn a'r staff wedi gwneud yr holl baratoadau angenrheidiol cyn dechrau'r broses
3. gwirio a pharatoi'r cyfarpar sydd ei angen ar gyfer yr archwiliad
4. sicrhau bod yr amgylchedd yn eich galluogi i gadw preifatrwydd ac urddas yr unigolyn
5. gwirio'r manylion adnabod cyn dechrau'r driniaeth yn unol â'r safonau cenedlaethol
6. cyflwyno eich hunan ac aelodau staff eraill sy'n bresennol yn ystod yr archwiliad
7. cyfathrebu â'r unigolyn / y bobl allweddol er mwyn gwella eu dealltwriaeth o'r archwiliad a'u cydweithrediad
8. sefydlu gallu'r unigolyn i ddeall yr archwiliad gyda chymorth y bobl allweddol os oes angen
9. cael cydsyniad dilys ar gyfer y weithdrefn yn unol â chanllawiau cenedlaethol a lleol
10. parchu preifatrwydd, urddas, credoau a phenderfyniadau'r unigolyn
11. esbonio'r broses a'r canlyniadau posibl yn glir, gan gynnwys y risg, y buddion a'r cyfyngiadau
12. gwirio unigolion sy'n gallu cael plant am feichiogrwydd neu feichiogrwydd posibl, os yw'n briodol ar gyfer yr archwiliad, a gweithredu yn unol â phrotocol lleol
13. cadarnhau statws y bobl allweddol cyn yr archwiliad ac, os oes angen iddyn nhw fod yn bresennol, dilyn y canllawiau lleol
14. gosod yr unigolyn yn ei safle ac addasu ei ddillad yn unol â phrotocol yr archwiliad i'w gyflawni mewn ffordd sy'n galluogi cyflawni'r canlyniad gorau posibl gan:
 - 14.1 gydnabod angen yr unigolyn i gadw ei urddas a'u hunan barch
 - 14.2 sicrhau ei fod mor gyfforddus â phosibl
 - 14.3 atal presenoldeb arteffactau
15. cael cadarnhad bod yr unigolyn yn barod cyn gwneud yr amlygiad
16. cadw mewn cysylltiad â'r unigolyn / y bobl allweddol er mwyn hwyluso eu dealltwriaeth a'u cydweithrediad trwy gydol yr archwiliad
17. cadw golwg ar gyflwr a lles yr unigolyn bob amser a chymryd camau priodol
18. ystyried elfennau technegol y sganiwr mewn perthynas â'r manau anatomegol i'w sganio
19. sicrhau bod y paramedrau technegol cywir wedi'u dewis ac asesu'r

ardal gywir yn barod i'w dadansoddi

20. ar ôl prosesu'r sgan, sicrhau bod yr holl safonau ansawdd yn gywir, gan gynnwys safleoedd anatomegol a demograffeg

21. ar ôl yr archwiliad clinigol cychwynnol, rhoi gwybod i'r unigolyn priodol os gwelir annormaledd ar y ddelwedd y mae'n debygol y bydd angen ymchwiliad neu driniaeth bellach arno

22. esbonio'r broses ar gyfer cael canlyniadau

23. cofnodi, casglu a pharatoi dogfennau, delweddau a dadansoddiadau sganiau priodol i'w trosglwyddo neu eu storio yn unol â'r protocol lleol

24. gwirio bod y delweddau a'r data sganiau wedi cyrraedd/cael eu storio yn ôl y protocol lleol

25. cydnabod ble mae angen help neu gyngor a chael gafael arno o ffynonellau priodol

Gwybodaeth a dealltwriaeth

Mae angen i chi wybod a deall:

1. y gofynion cyfreithiol, sefydliadol a pholisi sy'n berthnasol i'ch rôl, rôl pobl eraill yn eich sefydliad a'r gweithgareddau a wneir
2. y safonau, canllawiau, polisïau a gweithdrefnau cenedlaethol a lleol perthnasol sydd ar gael a sut a phryd dylid mynd atynt
3. pwysigrwydd parchu diwylliant, preifatrwydd, urddas, dymuniadau, credoau a phenderfyniadau unigolion
4. cyfyngiadau eich gwybodaeth a'ch profiad eich hun a phwysigrwydd gweithredu o fewn cwmpas eich ymarfer
5. rolau a chyfrifoldebau aelodau eraill y tîm
6. pwysigrwydd cael cydsyniad dilys yn unol â chanllawiau cenedlaethol a lleol
7. priodolrwydd clinigol y cais am archwiliad a'r camau i'w cymryd pan nad yw'r cais yn briodol
8. anatomeg y rhan o'r corff sy'n cael ei sganio
9. y prosesau ffisiolegol a phatholegol sy'n berthnasol i'r rhan o'r corff sy'n cael ei sganio
10. tirnodau anatomegol ar y corff sy'n berthnasol i ddelweddu DXA
11. y cymalau perthnasol yn y rhan o'r corff sy'n cael ei sganio a'u symudiadau
12. y patholegau perthnasol cyffredin ac amrywiadau normal ar y man sy'n cael ei sganio
13. terminoleg feddygol sy'n berthnasol i'r archwiliad, gan gynnwys talfyriadau
14. terminoleg lleoli, gan gynnwys talfyriadau
15. arwyddion o statws corfforol ac emosiynol unigolion
16. cynhyrchu, rhyngweithiadau a nodweddion pelydr-x
17. y broses sydd ynghlwm â ffurfio delweddu DXA
18. effeithiau niweidiol ymbelydredd ar y corff dynol a defnyddio cyfarpar amddiffyn rhag ymbelydredd
19. ffyrdd posibl o gofnodi, prosesu a storio delweddu yn barhaol
20. galluoedd y cyfarpar a'r gwahaniaethau rhwng manylebau'r gweithgynhyrchwyr, fydd yn effeithio ar y sganiau dilynol a sut i gymharu
21. y cyfyngiadau a'r prosesau sicrhau ansawdd dyddiol arferol sy'n ofynnol gan y gweithredwr
22. sut i addasu arddulliau cyfathrebu, holi cwestiynau a gwranddo'n ofalus mewn ffyrdd sy'n briodol i anghenion yr unigolyn

23. pwysigrwydd rhoi cyfleoedd i unigolion a phobl allweddol ofyn cwestiynau a gwella eu dealltwriaeth
24. y wybodaeth y dylid ei rhoi i unigolyn cyn, yn ystod ac ar ôl cwblhau'r archwiliad
25. ystyriaethau o ran maint, cyfansoddiad y corff a moddau sganio ar gyfer optimeiddio'r delweddau, fydd yn effeithio ar ddadansoddi gwerthoedd dwysedd mwynol esgryn
26. newidynnau sy'n effeithio ar fesur dwysedd mwynol esgryn a sut i ddewis moddau sganio priodol ar gyfer yr archwiliad a'r unigolyn fel sy'n briodol
27. gosod yr unigolyn yn y safle cywir mewn perthynas â'r rhan o'r corff sydd dan sylw
28. gofynion ansawdd technegol y ddelwedd ar gyfer cael mesuriadau manwl gywir a dibynadwy o ddwysedd mwynol esgryn
29. adnabod arteffactau, eu heffaith a champau priodol i leddfu neu gyfyngu eu heffaith
30. ffactorau sy'n dylanwadu ar y penderfyniad i ail-sganio neu dynnu delweddau ychwanegol mewn modd sganio gwahanol neu trwy addasu'r safle er mwyn helpu gyda'r diagnosis
31. y gofynion ar gyfer dadansoddi sganiau yn gywir
32. defnyddio data cyfeirio ac effaith y gronfa ddata cyfeirio a ddewisir ar ganlyniadau'r sgan
33. egwyddor y newid lleiaf sylweddol yn gysylltiedig â'r bwch cyn y sgan dilynol a'r newid ystadegol sylweddol dilynol mewn dwysedd mwynol esgryn
34. pwysigrwydd cydnabod diffygion ar y cyfarpar yn brydlon a'r gweithdrefnau lleol ar gyfer rhoi gwybod am y rhain
35. gweithdrefnau yn ymwneud â chofnodi, casglu a pharatoi dogfennau, delweddau a dadansoddiadau sgan priodol i'w trosglwyddo neu eu storio yn unol â phrotocol lleol
36. sut i gadw cofnodion llawn, cywir a chlr yn unol â gweithdrefnau sefydliadol

Cysylltiadau Allanol Mae'r safon hon yn gysylltiedig â'r dimensiwn canlynol o fewn Fframwaith Gwybodaeth a Sgiliau y GIG (Hydref 2004):
Dimensiwn: HWB6 Cynllunio asesiadau a thriniaethau

Datblygwyd gan	Skills for Health
Fersiwn rhif	1
Dyddiad cymeradwyo	Chwefror 2019
Indicative Review Date	Chwefror 2024
Dilysrwydd	ArHynOBryd
Statws	Gwreiddiol
Sefydliad cychwynnol	Sgiliau Iechyd
RCU gwreiddiol	SFHCI.M
Galwedigaethau perthnasol	Gweithwyr iechyd proffesiynol
Cyfres/Set	Delweddu Clinigol
Geiriau Allweddol	radiograffeg; DEXA; diagnostig; clinigol; delweddau; esgyrn; dwysedd; osteoporosis; osteopenia; sarcopenia